

Аймгийн Засаг даргын 2023 оны... дүгээр
сарын 17-ны өдрийн... дугаар
захирамжийн 1 дүгээр хавсралт

ГАЗАР ХӨДЛӨЛТИЙН ГАМШГИЙН АЮУЛААС УРЬДЧИЛАН
СЭРГИЙЛЭХ БЭЛЭН БАЙДЛЫГ ХАНГАХ БАЙНГЫН АЖИЛЛАГААТАЙ
ДЭД ЗӨВЛӨЛИЙН АЖИЛЛАХ ЖУРАМ

Нэг. Ерөнхий зүйл

1.1. Газар хөдлөлтийн гамшгийн аюулаас урьдчилан сэргийлэх, эрсдэлийг бууруулах, бэлэн байдлыг хангах үйл ажиллагааг уялдуулан зохицуулах үүрэг бүхий байнгын ажиллагаатай дэд зөвлөл /цаашид “дэд зөвлөл” гэх/ нь Монгол Улсын Үндсэн хууль, Гамшгаас хамгаалах тухай хууль болон холбогдох хууль тогтоомж, энэ журмыг удирдлага болгон ажиллана.

Хоёр. Удирдлага зохион байгуулалт

- 2.1. Дэд зөвлөлийн бүрэлдэхүүн ажиллах журмыг Аймгийн засаг дарга баталж, үйл ажиллагааг дэд зөвлөлийн дарга удирдан зохион байгуулна.
- 2.2. Дэд зөвлөлийн үйл ажиллагааны үндсэн хэлбэр нь хуралдаан байх бөгөөд төлөвлөгөөний хэрэгжилт, ажлын явцтай танилцаж шийдвэр гаргана.
- 2.3. Дэд зөвлөл нь дарга, орлогч, гишүүд, нарийн бичгийн даргатай байна.
- 2.4. Дэд зөвлөлийн даргын эзгүйд түүний үүргийг орлогч дарга гүйцэтгэнэ.
- 2.5. Дэд зөвлөл нь жилд хоёроос доошгүй удаа хуралдаж, ажлын шаардлагаар ээлжит бусаар хуралдаж болно.
- 2.6. Хэлэлцэх асуудлаас хамааран дэд зөвлөлийн хуралд холбогдох албан тушаалтныг оролцуулж өргөтгөсөн хэлбэрээр зохион байгуулж болно.
- 2.7. Дэд зөвлөлийн нийт гишүүдийн олонх оролцсоноор хуралдааныг хүчинтэйд тооцно.
- 2.8. Дэд зөвлөлийн хуралдааныг тэмдэглэл хөтөлж баталгаажуулах бөгөөд дарга, нарийн бичгийн дарга нар гарын үсэг зурж албажуулна.
- 2.9. Дэд зөвлөлийн хэвлэмэл хуудас, тэмдгийг ажлын алба хариуцна.
- 2.10. Дэд зөвлөлийн ажлын албыг Онцгой байдлын газрын дарга удирдаж, ажлын албаны өдөр тутмын үйл ажиллагааг тус байгууллагын урьдчилан сэргийлэх хяналтын тасаг эрхэлнэ.
- 2.11. Дэд зөвлөл шаардлагатай тохиолдолд тодорхой асуудлаар ажлын хэсэг байгуулан ажиллуулж болно.
- 2.12. Магнитуд нь 6.5 ба түүнээс дээш хүчтэй газар хөдлөлт, хот суурин газар болсон үед дэд зөвлөлийн бүрэлдэхүүн дуудлага, зарлалгүйгээр Онцгой байдлын газар, эсхүл байнгын ажиллагаатай дэд зөвлөлийн даргын заасан газарт цугларна.

Гурав. Дэд зөвлөлийн эрх, үүрэг

- 3.1. Дэд зөвлөл дараах эрхтэй байна. Үүнд:
 - 3.1.1. Дэд зөвлөл нь үйл ажиллагааны зорилго, зорилтыг хэрэгжүүлэхтэй холбогдуулан өөрийн эрх хэмжээнийхээ хүрээнд Монгол Улсын хууль тогтоомжид нийцүүлэн дүгнэлт, албан даалгавар, зөвлөмж гаргана.
 - 3.1.2. Монгол Улсын хууль тогтоомж, Байнгын ажиллагаатай дэд зөвлөлийн шийдвэрийн хэрэгжилт, үр дүнгийн талаар холбогдох хэлтэс, агентлаг, аймгийн салбар зөвлөл, хуулийн этгээдийн мэдээллийг сонсох, үүрэг даалгавар өгөх, хяналт тавих;

3.1.3.Холбогдох хэлтэс, агентлаг, аймгийн салбар зөвлөл, байгууллага, албан тушаалтнаас шаардлагатай тайлан, мэдээ, мэдээлэл, судалгаа гаргуулан авах, биелэлтийг хангуулах;

3.1.4.Мэргэжлийн байгууллагын дүгнэлтийг үндэслэн газар хөдлөлтийн бүс дэх барилга байгууламжийн зураг, төсөл, барилга угсралтын ажил, хүлээн авах, хяналт болон стандарт, норм, дүрмийн шинэчлэлийн талаар мэдээлэл солилцох, хот төлөвлөлт, аюулгүй байдлын талаар хэлэлцэх, чиглэл өгөх.

3.1.5.Гамшгаас хамгаалах орон нутгийн алба мэргэжлийн ангийн газар хөдлөлтийн гамшгийн үед ажиллах төлөвлөгөөнд хяналт тавьж, бэлэн байдлыг хангуулах.

3.2.Дэд зөвлөл дараах үүрэгтэй байна. Үүнд:

3.2.1.Газар хөдлөлтийн гамшгаас урьдчилан сэргийлэх, эрсдэлийг бууруулах бэлэн байдлыг хангах үйл ажиллагааг нутаг дэвсгэрийн хэмжээнд нэгдсэн удирдлага зохицуулалтаар хангах.

3.2.2.Газар хөдлөлтийн гамшгийн аюулаас урьдчилан сэргийлэх, эрсдэлийг бууруулах, бэлэн байдлыг хангах анхааруулга, санамж, зөвлөмж болон авч хэрэгжүүлж буй үйл ажиллагааны талаарх мэдээ мэдээллийг хэвлэл мэдээллийн хэрэгслээр шуурхай мэдээлэх;

Дөрөв. Дэд зөвлөлийн эрх, үүрэг

1.1.Дэд зөвлөлийн ээлжит болон ээлжит бус хуралдаанаар хэлэлцэх асуудлыг тогтоож, хуралдааныг товлох, даргалах;

1.2.Дэд зөвлөлийн үйл ажиллагааны төлөвлөгөөг батлах, гишүүдэд үүрэг чиглэл өгч биелэлтэд хяналт тавих;

1.3.Дэд зөвлөлийн хурлыг таслах, хоцрох, зөвлөлийн шийдвэр, төлөвлөгөөний хүрээнд хариуцсан ажлаа тасалдуулсан албан тушаалтанд хариуцлага тооцох талаар удирдлагад мэдэгдэх, хэрэгжилтэд хяналт тавих.

Тав. Дэд зөвлөлийн гишүүний эрх, үүрэг

5.1.Дэд зөвлөлийн гишүүн дараах эрхтэй байна. Үүнд:

5.1.1.Өөрийн хариуцсан чиглэлийн хүрээнд зөвлөлийн үйл ажиллагаатай холбогдолтой асуудлаар холбогдох хэлтэс агентлаг болон хуулийн этгээдээс мэдээлэл авах, үүрэг даалгавар өгөх, хяналт тавих;

5.1.2. Дэд зөвлөлийн үйл ажиллагаатай холбоотой санал гаргах;

5.1.3.Дэд зөвлөлийн хуралдаанаар хэлэлцэх асуудлыг санаачлах, хэлэлцүүлэх, тайлагнах;

5.1.4.Дэд зөвлөлийн төлөвлөгөө, хуралдааны шийдвэрийн хэрэгжилт, үр дүнд хяналт тавих;

5.1.5.Хүндэтгэн үзэх шалтгаанаар хуралдаанд оролцох боломжгүй тохиолдолд урьдчилан мэдэгдэх хэлэлцэх асуудлын талаарх саналаа бичгээр хүргүүлэх;

5.1.6.Дэд зөвлөлийн нарийн бичгийн даргатай үйл ажиллагааг уялдуулах, мэдээлэл солилцох;


5.2. Дэд зөвлөлийн гишүүн дараах үүрэгтэй. Үүнд;

5.2.1.Газар хөдлөлтийн гамшгаас урьдчилан сэргийлэх,эрсдэлийг бууруулах бэлэн байдлыг хангуулах ажлыг аймгийн хэмжээнд удирдлага зохицуулалтаар хангах, түүнд шаардлагатай зардлыг шийдвэрлэх;

5.2.2.Дэд зөвлөлийн үйл ажиллагаанд дэмжлэг үзүүлэх, хуралдаанд идэвх санаачилгатай оролцох;

5.2.3. Дэд зөвлөлийн даргын баталсан төлөвлөгөө, гарсан шийдвэрийн хэрэгжилтийг дэд зөвлөлийн даргад тайлагнах;

5.2.4. Дэд зөвлөлийн гишүүд шаардлагатай тохиолдолд өөрийгөө орлох албан тушаалтныг томилж, тухайн албан тушаалтны нэр, холбогдох утас цахим хаягийг ажлын албанд албан бичгээр өгөх, өөрчлөлт орох тухай бүр шинэчлэн мэдэгдэж байх;



Зургаа. Дэд зөвлөлийн нарийн бичгийн даргын эрх, үүрэг

6.1. Дэд зөвлөлийн нарийн бичгийн дарга дараах эрхтэй байна. Үүнд;

6.1.1. Дэд зөвлөлийн үйл ажиллагаатай холбоотой асуудлаар зөвлөлийн гишүүд, холбогдох хэлтэс, агентлаг, аймаг, хуулийн этгээдээс мэдээлэл авах, зөвлөлийн шийдвэрийн биелэлтэд хяналт тавих;

6.1.2. Газар хөдлөлтийн гамшгаас урьдчилан сэргийлэх, бэлэн байдлыг хангах, эрсдэлийг бууруулах үйл ажиллагааны төлөвлөгөө төсөл хөтөлбөрийг хэрэгжүүлэхдээ зөвлөлийн гишүүдэд дэмжлэг авах;

6.1.3. Дэд зөвлөлийн үйл ажиллагаанд шаардагдах баримт бичиг, мэдээ мэдээлэл, судалгааг холбогдох байгууллага, холбогдох албан тушаалтнаас гаргуулан авах;

6.2. Дэд зөвлөлийн нарийн бичгийн дарга дараах үүрэгтэй байна. Үүнд;

6.2.1. Хуралдаанаар хэлэлцэх асуудал, хөтөлбөрийг дэд зөвлөлийн даргаар батлуулах;

6.2.2. Хуралдааны бэлтгэл ажлыг зохион байгуулах, холбогдох хэлтэс, агентлаг, байгууллагад мэдэгдэх, хуралдааны ирцийг бүрдүүлэх;

6.2.3. Дэд зөвлөлийн төлөвлөгөөний төслийг боловсруулж батлуулах;

6.2.4. Газар хөдлөлтийн гамшгаас хамгаалах үйл ажиллагаатай холбогдуулан гаргасан тогтоол шийдвэрийн хэрэгжилт, тайланг холбогдох байгууллагаас гаргуулах, нэгтгэн зөвлөлийн хуралдаанд танилцуулах;

6.2.5. Дэд зөвлөлийн Ажлын алба болон гишүүдийн үйл ажиллагаанд дэмжлэг үзүүлж, уялдаа холбоог хангах;

6.2.6. Дэд зөвлөлийн ажлын албаны үйл ажиллагаанд шаардлагатай тоног төхөөрөмж, зохион байгуулалтын зардлын тооцоог зөвлөлийн даргад танилцуулж, шийдвэрлүүлэх;

6.2.7. Дэд зөвлөлийн үйл ажиллагааны төлөвлөгөөний биелэлтийг нэгтгэж танилцуулах зохион байгуулсан ажлын явц, үр дүнгийн талаар хэвлэл мэдээллийн хэрэгслээр мэдээлэх сурталчлах ажил зохион байгуулах;

6.2.8. Дэд зөвлөлийн баримт бичгийг зохих журмын дагуу хөтлөх.

Долоо. Дэд зөвлөлийн ажиллах журамд нэмэлт, өөрчлөлт оруулах

7.1. Дэд зөвлөлийн гишүүд дэд зөвлөлийн ажиллах журамд нэмэлт, өөрчлөлт оруулах саналыг гаргана.

7.2. Дэд зөвлөлийн ажиллах журамд нэмэлт өөрчлөлт оруулах саналыг зөвлөлийн ээлжит хурлаар хэлэлцэн дэд зөвлөлийн дарга батална.

Аймгийн Засаг даргын 2023 оны 24 дүгээр
сарын 17-ны өдрийн 24 дугаар
захирамжийн 2 дугаар хавсралт

ГАЗАР ХӨДЛӨЛТИЙН ГАМШГААС УРЬДЧИЛАН СЭРГИЙЛЭХ,
БЭЛЭН БАЙДЛЫГ ХАНГАХ БАЙНГЫН АЖИЛЛАГААТАЙ
ДЭД ЗӨВЛӨЛИЙН БҮРЭЛДЭХҮҮН

Комиссын дарга: Аймгийн Засаг даргын орлогч

Орлогч дарга: Онцгой байдлын газрын дарга

Гишүүд: Аймгийн Засаг даргын Тамгын газрын дарга

Аймгийн Засаг даргын Тамгын газрын Хөгжлийн бодлого,
төлөвлөлт, хөрөнгө оруулалтын хэлтсийн дарга

Аймгийн Засаг даргын Тамгын газрын Санхүү, төрийн сангийн
хэлтсийн дарга

Аймгийн Засаг даргын эрхлэх асуудлын хүрээний агентлаг
Хүнс, хөдөө аж ахуйн газрын дарга

Аймгийн Засаг даргын эрхлэх асуудлын хүрээний агентлаг
Цагдаагийн газрын дарга

Аймгийн Засаг даргын Тамгын газрын Цэргийн штабын дарга

Аймгийн Засаг даргын эрхлэх асуудлын хүрээний агентлаг
Боловсрол шинжлэх ухааны газрын дарга

Аймгийн Засаг даргын эрхлэх асуудлын хүрээний агентлаг
Эрүүл мэндийн газрын дарга

Аймгийн Зэвсэгт хүчний 256 дугаар ангийн захирагч

Аймгийн Авто тээврийн төвийн дарга

Арвайхээр сумын Засаг дарга

Аймгийн Засаг даргын эрхлэх асуудлын хүрээний агентлаг
Газрын харилцаа, барилга хот байгуулалтын газрын дарга

Улаан загалмайн хорооны дарга

Автозамын засвар арчлалт "ТӨХК"-ны захирал

Аймгийн Засаг даргын эрхлэх асуудлын хүрээний агентлаг
Цаг, уур орчны шинжилгээний төвийн дарга

Нарийн бичгийн дарга: Аймгийн Засаг даргын эрхлэх асуудлын хүрээний агентлаг
Онцгой байдлын газрын орлогч дарга



ӨВӨРХАНГАЙ АЙМГИЙН
ЗАСАГ ДАРГЫН ЗАХИРАМЖ

2023 оны 04 сарын 17 өдөр

Дугаар А/238

Арвайхээр

Дэд зөвлөл байгуулах тухай

Монгол Улсын Засаг захиргаа, нутаг дэвсгэрийн нэгж, түүний удирдлагын тухай хуулийн 66 дугаар зүйлийн 66.1, Гамшгаас хамгаалах тухай хуулийн 32 дугаар зүйлийн 32.1.1, Монгол Улсын Ерөнхийлөгчийн 2011 оны “Чиглэл өгөх тухай” 21 дүгээр зарлиг, аймгийн иргэдийн Төлөөлөгчдийн Хурлын 2023 оны 16/18 дугаар тогтоолоор баталсан “Гамшгийн эрсдэлийг бууруулах орон нутгийн зөвлөлийн бүрэлдэхүүн, ажиллах журам”-ын 2.3 дахь заалтыг тус тус үндэслэн ЗАХИРАМЖЛАХ нь:

1.Газар хөдлөлтийн гамшгаас урьдчилан сэргийлэх, эрсдэлийг бууруулах, бэлэн байдлыг дээшлүүлэх, холбогдох эрх зүйн баримт бичгийг хэрэгжүүлэх, тайлагнах үйл ажиллагааг зохион байгуулах, нэгдсэн удирдлага, зохицуулалтаар хангах аймгийн нутаг дэвсгэрт ажиллах байнгын ажиллагаатай дэд зөвлөлийг байгуулж, дэд зөвлөлийн ажиллах журмыг 1 дүгээр, бүрэлдэхүүнийг 2 дугаар хавсралтаар тус тус баталсугай.

2.Газар хөдлөлтийн гамшгаас урьдчилан сэргийлэх байнгын ажиллагаатай дэд зөвлөлийн ажиллах төлөвлөгөөг жил бүр гарган, хэрэгжүүлж ажиллахыг аймгийн Засаг даргын эрхлэх асуудлын хүрээний агентлаг Онцгой байдлын газар (дэд хурандаа Д.Одонбаяр)-т даалгасугай.

3.Захирамжийн хэрэгжилтэд хяналт тавьж ажиллахыг газар хөдлөлтийн гамшгаас урьдчилан сэргийлэх байнгын ажиллагаатай дэд зөвлөлийн дарга, аймгийн Засаг даргын орлогч (И.Доржсүрэн)-д даалгасугай.

4.Энэ захирамж гарсантай холбогдуулан аймгийн Засаг даргын 2021 оны 05 дугаар сарын 18-ны өдрийн “Зөвлөл шинэчлэн байгуулах тухай” А/238 дугаар захирамжийг хүчингүй болсонд тооцсугай.

ЗАСАГ ДАРГА



А.ИШДОРЖ

6223 11 0451

D:My Doc. Zahiramj. Zasag darga